

**OBUBAKA BWANGE ERI ABAKYALA BONNA
ABAKKIRIZA ALLAH OW'EKITIIBWA
N'OMUBAKA WE MUHAMMAD ﷺ**

بِسْمِ اللَّهِ الرَّحْمَنِ الرَّحِيمِ

إن الحمد لله، نحمده ونستعينه ونستغفره، ونعوذ بالله من شرور أنفسنا وسيئات أعمالنا، من يهده الله فلا مضل له، ومن يضلل فلا هادي له، وأشهد أن لا إله إلا الله وحده لا شريك له وأشهد أن محمداً عبده ورسوله. {يأيها الذين آمنوا اتقوا الله حق تقاته، ولا تموتن إلا وأنتم مسلمون}. {يأيها الناس اتقوا ربكم الذي خلقكم من نفس واحدة وخلق منها زوجها، وبث منهما رجالاً كثيراً ونساء، واتقوا الله الذي تساءلون به والأرحام، إن الله كان عليكم رقيباً}. {يأيها الذين آمنوا اتقوا الله، وقولوا قولاً سديداً، يصلح لكم أعمالكم ويغفر لكم ذنوبكم، ومن يطع الله ورسوله فقد فاز فوزاً عظيماً}.
أما بعد فإن أصدق الحديث كتاب الله، وأحسن الهدي هدي محمد، وشر الأمور محدثاتها، وكل محدثة بدعة، وكل بدعة ضلالة، وكل ضلالة في النار.

Oluvannyuma lw'okutendereza allah ow'ekitiibwa, bwe ppo n'okusaalira
omubaka ﷺ, nkuutira omwoyo gwange n'egyammwe okutya Allah
ow'ekitiibwa, awamu n'okugoondera omubaka Muhammad ﷺ.

Bannyinaze abalungi era ab'ebbeeyi, musaanidde mukimanye nti Allah
ow'ekitiibwa gwemusiiiza, era gwemwagala abawe ejjana, awamu n'omubaka
we ﷺ gwemugoberera, baalagira omukyala yenna omufuumbo okugoondera
bbaawe mumbeera zonna ezitaliimu kugyemera Allah oba omubaka ﷺ.

Kale n'olwensonga eyo, omukyala yenna omufuumbo bw'agyemera bbaawe
mw'ekyo kyonna bbaawe kyabeera amulagidde, oba kyabeera amugaaanye,
omukyala oyo abeera akoze ekyonoono mu byonoono ebinene ebizikiriza,
olw'ensonga nti, mukugyemera kwe bbaawe, abeera agyemedde Allah
n'omubaka ﷺ abamulagira okugondera bbaawe.

Allah ow'ekitiibwa yagamba nti:

{الرِّجَالُ قَوَّامُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَى بَعْضٍ وَبِمَا أَنْفَقُوا مِنْ أَمْوَالِهِمْ فَالصَّالِحَاتُ قَانِتَاتٌ حَافِظَاتٌ لِّلْغَيْبِ بِمَا حَفِظَ اللَّهُ وَاللَّاتِي تَخَافُونَ نُشُوزَهُنَّ فَعِظُوهُنَّ وَاهْجُرُوهُنَّ فِي الْمَضَاجِعِ وَاضْرِبُوهُنَّ فَإِنِ أَطَعْنَكُمْ فَلَا تَبْغُوا عَلَيْهِنَّ سَبِيلًا إِنَّ اللَّهَ كَانَ عَلِيمًا كَبِيرًا} [النساء: 34].

{Abasajja bebalina okuyimirizaawo abakyala mumbeera zonna, olw'ebyo Allah byeyasukkulumya nabyo abasajja ku bakazi, n'ekulwebyo abasajja byebawaayo eri bakyala babwe mu maali (amahale, n'okulabirira). N'abakyala abalongoofu, era ab'ekuumira kubulongoofu n'obugoonvu, abo ab'ekumira basajja babwe, n'ebakuuma emmali y'abasajja babwe, era n'ebakuuma ebyama by'abasajja babwe. N'abo mu bakyala bammwe bemulabyemu okwewaggula, mubabuulirire era mubatiise Allah, (bwebagaana okulongoosa) mubaseenguke mu bisulo [temwegatta nabo], (bwebagaana okulongoosa) mubakubemu [olukuba olutali lwabulabe]. Bwebamala nebabagoondera, temuddamu kubabonereza wadde okubalumya. Mazima Allah wa waggulu era munene}.

Abamanyi abamu bagamba nti aya eyo yakka lwa **Sa'ad bun Ar-rabii'e** ne mukyala we **Habiibah bint Zaid**.

Habiibah bint Zaid yewaggula ku bbaawe Sa'ad bun Ar-rabii'e, era bwatyo Sa'ad namukuba. Taata wa Habiibah kwekukwata muwala we, nebagenda ew'omubaka ﷺ, namugamba nti: owange ggwe omubaka wa Allah! Sa'ad namuwa muwala wange abeere mukyala we, kyokka amukkakkanyeko namukuba. Omubaka ﷺ kwekubalagira bagende bawoolere ku Sa'ad (bamukole ky'ekimu n'ekyo kyakoze mukyala we). Baba bagenda, Jibriil n'ereeta obubaka eri omubaka ﷺ, omubaka ﷺ nabalagira bakomewo, era nabasomera aya eyo. Bweyamala okugyibasomera, yagamba ﷺ: **"Twagadde ekintu, kyokka ate ne Allah nayagala ekintu ekirala, ate ekyo Allah kyayagadde ky'ekisiinga obulungi"**. Hadiith eyo nafu.

Abannyonnyozi ba Quran abamu bwebaali bannyonnyola ekigambo ekigamba nti:

"الرِّجَالُ قَوَّامُونَ عَلَى النِّسَاءِ".

“Abasajja bebayimirizaawo abakyala”, bagamba nti: “Abasajja bebakuleembeze b’abakyala babwe”.

Ibin Abbaas ﷺ yagamba:

"أمرأء، عليها أن تطيعه فيما أمرها الله به من طاعته". انظر: التفسير المأمون: 233\2، وأحكام القرآن لابن الفرس:

175\2، تفسير ابن كثير: 293\2

“(Abasajja) bakuleembeze eri bakyala babwe. Omukyala akakatibwako okugondera bbaawe mwebyo Allah byeyamulagira okugoondereramu”.

Ibin Kathiir رحمه الله yagamba mu Tafsiir ye nti:

"هُوَ رَئِيسُهَا وَكَبِيرُهَا وَالْحَاكِمُ عَلَيْهَا وَمُؤَدِّبُهَا إِذَا اعْوَجَّتْ"

“Omusajja y’emukuleembeze w’omukyala, era y’emukamaawe, era y’emuwi w’ebiragiro we, era y’amubonereza bwaba akyamyeku ku ku kubo ettufu”.

Sagala mwerabire nti Allah n’omubaka we batulagira okugoondera abakuleembeze, era nebatuziyiza okubagyemera, nebwebaba batulyazaamanyizza.

Kale omukyala yenna omufuumbo ayagala okusisinkana Allah nga amusiimye, alina okukimanya nti bbaawe y’emukuleembeze we asookera ddala. Era akakatibwako okumugondera mubuli mbeera, era neyeewala okumugyemera mukinene n’ekitono.

Era omukyala yenna omufuumbo, takkirizibwa wadde akatono ennyo, okwawukana ku biragiro bya bbaawe; takkirizibwa nakamu, okwawukana ku biragiro bya mukamaawe. Era singa wabaawo omuntu omulala yenna amuwa ebiragiro ebyawukaana n'ebya bbaawe, tateekeddwa kumugoondera, wadde okumuwuliriza; kubanga bwanakikola, ajja kuba agoondede ekitonde mu kugyemera Allah n'omubaka we ﷺ.

Imaam At-twabariyy رحمه الله bweyali ayogera ku kigambo ekiri mu aya eyo ekigamba nti:

"فانتات"

“(Abakyala) ab’ekuumira kubulongoofu n’obugoonvu”, yagamba nti:

يعني: مطيعات لله ولأزواجهن

Amakulu nti: “abakyala abagoonvu eri Allah wabwe, awamu ne ba bba babwe”. Era ekyo ky’ekigambo kya **Ibin Abbaas, Qataadah, ne Muqaatil bun Hayyaan**.

Ate bweyatuuka ku kigambo ekigamba nti:

"نشوزهن"

“Okwewaggula kwabwe”, yagamba nti:

فإنه يعني: استعلاءهن على أزواجهن والخلاف عليهم فيما لزمهن طاعتهم فيه.

Ekyo kitegeeza: “abakazi okwewanika ku basajja babwe (mu ngeri yonna), era n’okwawukana ku basajja babwe mwebyo byebakakatibwako okubagoondereramu”.

Mu Aya eyo, Allah ow’ekitiibwa atulaze nti abakyala bali mu miteeko ebiri:

1. Abalongoofu era abagoonvu
2. Abagyemu oba bakyewaggula

Mpandiise obubaka bwange buno, nga mu bbwo nkunnganyirizzamu ezimu ku hadiith eziraga nti omukyala omukkiriza akakatibwako okubeera omugoonvu era omuwulize eri bbaawe.

KINO KIKULU:

Hadiith zenkunnganyirizza mu bubaka buno zigwa mu mitendera esatu (3):

1. **Entuufu (Sahiih)**
2. **Ennungi (Hasan)**
3. **Ennafu (Dha'iif)**

Hadiith yonna gyetunaleeta nga nafu, tujja kulaga obunafu bwayo mu bufuuze in shaa Allah.

Nsaba Allah ow'ekisa ateeke omukisa mu mulimo guno, era aguteeke mwegyo gyetukoze ku lulwe. Nga era bwemusaba, asaasire buli yenna anasoma obubaka buno, n'oyo an'abusaasaanya, busobole okutuuka ku bantu bangi bi ithnillah. Amiin.

BITEGEKEDDWA:

FAISWAL ALI MUWONGE

256 (751) 858015

faiswalali5@gmail.com

1. KIKAKATA KU MUKYALA OKUGOONDERA BBAWE MW'EBYO
EBITALIIMU KUGYEMERA ALLAH NA MUBAKA WE ﷺ, ERA EBITALIIMU
BULYAZAAMANYA

عَنْ عَبْدِ اللَّهِ بْنِ أَبِي أَوْفَى، قَالَ: قَالَ رَسُولُ اللَّهِ - صَلَّى اللَّهُ عَلَيْهِ وَسَلَّمَ - : لِمَعَاذِ: "فَإِنِّي لَوْ كُنْتُ أَمِيرًا أَحَدًا أَنْ
يَسْجُدَ لِعَبْرِ اللَّهِ، لِأَمْرَتِ الْمَرْأَةِ أَنْ تَسْجُدَ لِزَوْجِهَا، وَالَّذِي نَفْسُ مُحَمَّدٍ بِيَدِهِ، لَا تُؤَدِّي الْمَرْأَةُ حَقَّ رَبِّهَا حَتَّى
تُؤَدِّيَ حَقَّ زَوْجِهَا، وَلَوْ سَأَلَهَا نَفْسَهَا، وَهِيَ عَلَى قَتَبٍ، لَمْ تَمْنَعُهُ" رواه ابن ماجه: 1853، صححه الألباني كما في
"الإرواء": (56 - 55 / 7)

Hadiith eva ku Abdullah bun Abi Aufa ﷺ yagamba nti: omubaka ﷺ yamba
Mu'aadh nti: **"Mazima nze singa nali wakulagira muntu yenna
okuvunnamira ekitali Allah, nandiragidde omukyala okuvunnamira
bbaawe. Ndayira oyo awaniridde omwoyo gwa Muhammad mu
mukono gwe, omukyala tabalibwa nti ali mwabo abatuukiriza
ebivunaanwa by'omulezi we, ppaka nga atuukirizza ebivunaanwa bya
bbaawe; nga ne bwaba amusabye yegatte naye nga ali mukaseera
k'okuzaala, tagaana"**.

Hadiith eyo eraga nti omukyala akakatibwako okugoondera bbaawe
mumbeera zonna ezitaliimu kugyemera Allah namubaka we ﷺ.

Laba omubaka ﷺ bwagambye nti: **"nga ne bwaba amusabye yegatte naye
nga ali mukaseera k'okuzaala, tagaana"**. Ekyo nno nga akyogera ﷺ
okulaga obukulu bw'omukyala okubeera omugoonvu eri bba.

Era laba omubaka ﷺ bwagamba nti: **"Mazima nze singa nali wakulagira
muntu yenna okuvunnamira ekitali Allah, nandiragidde omukyala
okuvunnamira bbaawe"**. Tagambye ﷺ nti: "Nandiragidde omwana
okuvunnamira muzadde we". Era tagambye ﷺ nti: "Nandiragidde omukozi
okuvunnamira mukamaawe". Era tagambye ﷺ nti: "Nandiragidde

akuleemberwa okuvunnamira omukuleembeze we”. Wabula agambye nti:
“**Nandiragidde omukyala okuvunnamira bbaawe**”.

Mwannyinaze omulungi, tunuulira nkalariza ekigambo ky’omubaka ﷺ
ekigamba nti: “**Ndayira oyo awaniridde omwoyo gwa Muhammad mu
mukono gwe, omukyala tabalibwa nti ali mwabo abatuukiriza
ebivunaanwa by’omulezi we, ppaka nga atuukirizza ebivunaanwa bya
bbaawe**”.

Ekigambo ekyo abamanyi bwebaali bakinnyonnyola bagamba nti: “**omukyala
yenna atatuukiriza buvunaanyizibwa bwe eri bba, Allah ow’ekitiibwa
takkiriza mirimo gye, olw’ensonga nti Allah abeera amulinako
obusuungu!**”

Soma ekitabو الحجة والحاجة ekya **Muhammad Al-Amiin Al-Harariyy:**
11/39.

عَنْ أَبِي هُرَيْرَةَ، قَالَ جَاءَتْ امْرَأَةٌ إِلَى رَسُولِ اللَّهِ صَلَّى اللَّهُ عَلَيْهِ وَسَلَّمَ فَقَالَتْ يَا رَسُولَ اللَّهِ أَنَا فَلَانة بنت فلان
قال: قولي ما حاجتك قالت: حاجتي أن فلانا يخطبني فأخبرني ما حق الزوج على الزوجة فإن كان شيئاً
أطبقه تزوجته، وإن لم أطق لا أتزوج قال: من حق الزوج على الزوجة أن لو سال منخراه دماً وقيحاً فله حسته
ما أدت حقه، ولو كان ينبغي لبشر أن يسجد لبشر لأمرت المرأة أن تسجد لزوجها إذا دخل عليها قالت:
والذي بعثك بالحق لا أتزوج ما بقيت في الدنيا. رواه البزار في مسنده: 8634 بإسناد منكر.

Hadiith eva ku Abu Hurairah ﷺ yagamba nti: omukyala yajja ew’omubaka
ﷺ namugamba nti: owange ggwe omubaka wa Allah! Nze gundi muwala
gundi. Omubaka ﷺ namugamba nti: “**Yogera. Obwetaavu bwo kki?**”
Omukyala namugamba nti: obwetaavu bwange, mazima ddala gundi
anjogereza, nkusaba ombuulire ebivunaanwa by’omusajja eri mukyala we?
Bwennaaba nabisobola, mufuumbirwe. Kyokka bwennaaba sijja kubisobola,
sijja kufuumbirwa. Omubaka ﷺ yamwanukula n’amugamba nti:
“**Mubivunaanwa by’omusajja eri mukyala we, kwekuba nti mazima
singa ennyindo z’omusajja zali zikulukuseemu omusaayi, n’amasira,**

omukyala nabikoomba, yandibadde tannaba kutuukiriza buvunaanyizibwa bwe eri bbaawe! Era singa kyali kigwana eri omuntu okuvunnamira muntu munne, nandiragidde omukyala avunnamire bbaawe buli lwayingira gyali". Omukyala ono oluvannyuma yagamba nti: ndayira oyo eyakutuma mu mazima, siri wakufuumbirwa ebbanga ensi ly'enamala nga ekyaliwo.

2. OMUKYALA YENNA OMUGOONVU ERI BBAWE, WAKUYINGIRA JJANA

عَنْ أَبِي هُرَيْرَةَ، أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: «إِذَا صَلَّتِ الْمَرْأَةُ حَمْسَهَا، وَصَامَتْ شَهْرَهَا، وَحَصَّنَتْ فَرْجَهَا، وَأَطَاعَتْ بَعْضَهَا، دَخَلَتْ مِنْ أَيِّ أَبْوَابِ الْجَنَّةِ شَاءَتْ» رواه ابن حبان في صحيحه: 4163، صححه الألباني كما في " صحيح الترغيب والترهيب " : 1931

Hadiith eva ku Abu Hurairah رضي الله عنه yagamba nti: mazima omubaka ﷺ yagamba nti: **“Omukyala bw’asaala esswala ze ttaano, n’asiiba omwezi gwe ogwa Ramadhan, n’akuuma obwereere bwe (muno muyingiramu obutakola bwenzi, awamu n’obutalaga basajja balala bituundu bya mubiri gwe byebatalina kulaba), era n’agondera bbaawe, wakuyiingirira mu mulyango gw’ejjana gwonna gwanaaba ayagadde”.**

3. OMUKYALA ASIINGA OBULUNGI MU BAKYALA BONNA, YOOYO ASIINGA OKUBEERA OMUGOONVU ERI BBA

عَنْ أَبِي هُرَيْرَةَ، قَالَ: قِيلَ لِرَسُولِ اللَّهِ صَلَّى اللَّهُ عَلَيْهِ وَسَلَّمَ: أَيُّ النِّسَاءِ خَيْرٌ؟ قَالَ: «الَّتِي تَسْرُهُ إِذَا نَظَرَ، وَتُطِيعُهُ إِذَا أَمَرَ، وَلَا تُخَالِفُهُ فِي نَفْسِهَا وَمَالِهَا بِمَا يَكْرَهُ» رواه النسائي واللفظ له: 3231، وأحمد في مسنده: 7421، صحح الألباني إسناده، كما في " الصحيحة " : 1838.

Hadiith eva Abu Hurairah رضي الله عنه yagamba nti: omubaka ﷺ yabuuzibwa nti: mukyala ki asiinga obulungi mu bakyala bonna? Omubaka ﷺ nagamba nti: **“Yooyo nga singa bbaawe amutunulako asanyuka (olw’obulungi bwe, n’empisa ze), era nga agoondera bbaawe singa abeera amulagidde (oba nga amuziyizza), era taganya muntu mulala yenna kulaba ku**

**mubiri gwe okujjako bba, wadde okweyambisa sente ze mwebyo
bbaawe byatamwa”**

**4. OMUKYALA OMUGOONVU, KY'EKYOBUGAGGA KY'OMUSAJJA
EKIDDAKO OLUVANNYUMA LW'OBUSIRAAMU N'OBUKKIRIZA.**

عَنْ يَحْيَى بْنِ جَعْدَةَ، أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: «خَيْرُ فَائِدَةٍ أَفَادَهَا الْمَرْءُ الْمُسْلِمُ بَعْدَ إِسْلَامِهِ
امْرَأَةً جَمِيلَةً، تَسْرُهُ إِذَا نَظَرَ إِلَيْهَا، وَتُطِيعُهُ إِذَا أَمَرَهَا، وَتَحْفَظُهُ فِي غَيْبَتِهِ وَمَالِهِ وَنَفْسِهَا» رواه ابن أبي شيبة في
مصنفه مرسلًا: 17141.

Hadiith eva ku Yahya bun Ja'adah ﷺ yagamba nti: mazima omubaka ﷺ
yagamba nti: **“Eky'ebbeeyi omusiraamu ky'afuna oluvannyuma
lw'obusiraamu bwe, y'emukyala omubalagavu; amusanyusa buli
lwamutunulako, amugoondera bwaba amulagidde, era nga
y'ekuumira bbaawe nga taliwo, era n'akuuma n'emmaali ye”.**

عَنْ مُعَاوِيَةَ بْنِ قُرَّةَ، عَنْ أَبِيهِ، قَالَ: قَالَ عُمَرُ: " مَا اسْتَفَادَ رَجُلٌ، أَوْ قَالَ: عَبْدٌ بَعْدَ إِيمَانِهِ بِاللَّهِ حَيْرًا، مِنْ امْرَأَةٍ
حَسَنَةِ الْخُلُقِ، وَدُودٍ وَلُودٍ وَمَا اسْتَفَادَ رَجُلٌ بَعْدَ الْكُفْرِ بِاللَّهِ شَرًّا مِنْ امْرَأَةٍ سَيِّئَةِ الْخُلُقِ حَدِيدَةِ اللِّسَانِ " رواه ابن
أبي شيبة في مصنفه: 17142، بإسناد صحيح.

Hadiith eva ku Mu'aawiyah bun Qurrah ﷺ, nga ajijja ku kitaawe ﷺ, yagamba
nti: Umar ﷺ yagamba nti: **“Omusajja oba omuddu tafunaanga kya
bbeeyi oluvannyuma lw'okukkiriza Allah, kisiinga mukyala wa mpisa
nuungi, nga alina omukwano ogw'ekimmemme, ate nga muzaaze.
Ate era omusajja tafunangako kibi oluvannyuma lw'obukaafiiri,
kisiinga mukyala wa mpisa mbi, era nga alina olulimi olukosa”.**

5. ALLAH OW'EKITIIBWA TATUNULA KU MUKYALA YENNA
ATASIIMA ERA ATEEBAZA BBAWE BY'AMUKOLERA, ERA
OMUKYALA BWATYO WA MU MULIRO

عَنْ عَبْدِ اللَّهِ بْنِ عَمْرٍو قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «لَا يَنْظُرُ اللَّهُ إِلَى امْرَأَةٍ لَا تَشْكُرُ لِرِزْقِهَا وَهِيَ لَا تَسْتَعْنِي عَنْهُ» أَخْرَجَهُ النَّسَائِيُّ فِي سننه الكبرى: 9086، والبيهقي في الكبرى: 14836، والبخاري: 2349، وصححه الألباني كما في الصحيحة: 289

Hadiith eva ku Abdullah bun Amri ﷺ yagamba nti: omubaka ﷺ yagamba nti:
“Allah tatunula ku mukyala atasiima, era atebaza bbaawe, kyokka
nga ate amwetaaga (tasobola kweyimirizaawo nga tamulina)”.

عَنْ عَبْدِ الرَّحْمَنِ بْنِ شَيْبَةَ - ﷺ - قَالَ: قَالَ رَسُولُ اللَّهِ - ﷺ - : "إِنَّ الْفُسَّاقَ هُمْ أَهْلُ النَّارِ"، فَقِيلَ: يَا رَسُولَ اللَّهِ! وَمَنْ الْفُسَّاقُ؟ قَالَ: "النِّسَاءُ" فَقَالَ رَجُلٌ: يَا رَسُولَ اللَّهِ! أَوْلَسْنَ أُمَّهَاتِنَا، وَأَخَوَاتِنَا، وَأَزْوَاجَنَا؟ قَالَ: "بَلَى، وَلَكِنَّهُنَّ إِذَا أُعْطِينَ لَمْ يَشْكُرْنَ، وَإِذَا ابْتُلِينَ لَمْ يَصْبِرْنَ" رواه أحمد في مسنده: 15531، وصححه الألباني كما في الصحيحة: 3058.

Hadiith eva ku Abdurahman bun Shibl ﷺ yagamba nti: omubaka ﷺ yagamba
nti: “**Ba kalibw’onoonefu be ba nannyini muliro!**” Bamubuuza nti:
owange ggwe omubaka wa Allah! Ba kalibw’onoonefu be baliwa? Omubaka
kwekubaddamu nti: “**Bebakyala**”. Omusajja omu kwekubuuza nti: owange
omubaka wa Allah! Abakyala abo ssi be ba maama baffe, ne bannyina ffe, ne
bakyala baffe? Omubaka ﷺ namugamba nti: “**Bwekiri, naye abakyala abo
bwebaweebwa tebeebaza, ate bwebagezesebwa tebagumiikiriza**
(muno muyiingiramu omukyala obutabeera mugumiikiriza nga bbaawe
tannamuwa kyayagala oba ky’eyetaaga)”.

6. OMUKYALA OKUGOONDERA BBAWE KYENKANA
N’OKULWANA MUKKUBO LYA ALLAH, N’EWANKUBADDE
NGA EKYO BATONO MU BAKYALA ABAKIKOLA

عَنْ جَابِرِ بْنِ عَبْدِ اللَّهِ، قَالَ: بَيْنَا نَحْنُ فُعُودٌ عِنْدَ رَسُولِ اللَّهِ صَلَّى اللَّهُ عَلَيْهِ وَسَلَّمَ إِذْ أَتَتْهُ امْرَأَةٌ، فَقَالَتْ: يَا رَسُولَ اللَّهِ أَنَا وَافِدَةٌ النَّسَاءِ إِلَيْكَ، يَا رَسُولَ اللَّهِ؛ رَبُّ الرِّجَالِ وَرَبُّ النَّسَاءِ اللَّهُ عَزَّ وَجَلَّ، وَأَدَمُ أَبُو الرِّجَالِ وَأَبُو

النِّسَاءِ، وَحَوَّاءُ أُمَّ الرِّجَالِ وَأُمَّ النِّسَاءِ، وَبَعَثَكَ عَزَّ وَجَلَّ إِلَى الرِّجَالِ وَالنِّسَاءِ، فَالرِّجَالُ إِذَا خَرَجُوا فِي سَبِيلِ اللَّهِ فَتَبَلَّغُوا فِيهِمْ أَحْيَاءَ عِنْدَ رَبِّهِمْ يُرَزِّقُونَ، وَإِذَا خَرَجُوا فَلَهُمْ مِنَ الْأَجْرِ مَا قَدْ عَلِمْتَ، وَتَحْنُ نَحْمُكُمْ وَنَحْسُنُ أَنْفُسَنَا عَلَيْهِمْ، فَمَاذَا لَنَا مِنَ الْأَجْرِ؟ فَقَالَ لَهَا رَسُولُ اللَّهِ صَلَّى اللَّهُ عَلَيْهِ وَسَلَّمَ: " أَقْرَبِي النِّسَاءَ مِنِّي السَّلَامَ وَقُولِي هُنَّ: إِنَّ طَاعَةَ الزَّوْجِ تَعْدِلُ مَا هُنَالِكَ، وَقَلِيلٌ مِنْكُمْ تَفَعَّلَهُ " رواه ابن بشران في "الأمالي": 11، وابن أبي الدنيا في "العيال": 528 بإسناد صحيح، رجاله كله ثقات.

Hadiith eva ku Jaabir bun Abdillahi ﷺ yagamba nti: twali tutudde n'omubaka ﷺ, omukyala najjira omubaka ﷺ namugamba nti: owange ggwe omubaka wa Allah! Nze ndi mutume w'abakyala gy'oli. Owange ggwe omubaka wa Allah! Omulezi w'abasajja era omulezi w'abakyala ye Allah ow'ekitiibwa. Adam ﷺ ye taata w'abasajja era ye taata w'abakyala. Hawwa ye maama w'abasajja era ye maama w'abakyala. Era Allah ow'ekitiibwa yakutuma eri abasajja n'abakazi. Abasajja bwebafuluma mu kkubo lya Allah nebattibwa, babeera balamu eri omulezi wabwe, era bagabirirwa. Era bwebafuluma, bafuna empeera z'omanyi obulungi. Naye ffe tubaweereza, era tusigala ewaka. Ffe mpeera ki gyetufuna? Omubaka ﷺ kwekumugamba nti: **“Abakyala bampeere salaam, era obagambe nti: okugoondera omusajja kyenkana n'ebyo waggulu, naye batono nnyo mu bakyala abakikola (batono nnyo mu bakyala abagoondera ba bba babwe)”**.

7. OMUKYALA ALINA EBIVUNAANWA BINGI ERI BBAAWE, OKUSIINGA ERI BAZADDE BE

عَنْ عَائِشَةَ قَالَتْ: سَأَلْتُ النَّبِيَّ صَلَّى اللَّهُ عَلَيْهِ وَسَلَّمَ أَيُّ النَّاسِ أَعْظَمُ حَقًّا عَلَى الْمَرْأَةِ؟ قَالَ: «رَزْوَجُهَا» قُلْتُ: فَأَيُّ النَّاسِ أَعْظَمُ حَقًّا عَلَى الرَّجُلِ؟ قَالَ: «أُمُّهُ» أَخْرَجَهُ النَّسَائِيُّ فِي الْكَبِيرِ: 9103، وَالْحَاكِمُ فِي الْمُسْتَدْرَكِ: 7244، وَفِي إِسْنَادِهِ أَبُو عَتَبَةَ، وَهُوَ مَجْهُولٌ عِنْدَ أَهْلِ الْحَدِيثِ، وَلِذَلِكَ ضَعَفَهُ الْأَلْبَانِيُّ كَمَا فِي "التَّرغِيبِ": 1212.

Hadiith eva ku Aisha ﷺ yagamba nti: nabuuzza omubaka ﷺ nti: muntu ki asiinga ebivunaanwa ebinene eri omukyala? (amakulu nti: muntu ki, omukyala gwasiinga okuvunaanibwako?) Omubaka yamugamba nti: **“Bbaawe”**.

Kwekuddamu ne mubuuza nti: muntu ki asiinga ebivunaanwa ebinene eri omusajja? Yagamba ﷺ nti: **“Maama we”**.

**8. OMUKYALA YENNA NGA BBAWE MUNYIIVU GYALI,
ALLAH TAKKIRIZA SWALA ZE, WADDE OMULIMU GWE
GWONNA OMULUNGI PPAKA NGA BBAWE OBUSUUNGU
BW’AMULINAKO BUMUWEDDEKO**

عَنْ أَبِي أُمَامَةَ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: "ثَلَاثَةٌ لَا تُجَاوِزُ صَلَاتُهُمْ رُءُوسَهُمْ: الْعَبْدُ الْآبِقُ، وَالْمَرْأَةُ تَبِيْتُ وَرُؤُوسِهَا عَلَيْهَا سَاخِطٌ، وَإِمَامٌ أُمَّ قَوْمًا وَهُمْ لَهُ كَارِهُونَ" رواه الترمذي وحسنه: 360، والطبراني معجم الكبير: 8090، وحسنه البغوي كما في "شرح السنة": 838، وحسنه أيضا الألباني في "الترغيب": 487.

Hadiith eva ku Abu Umaamah ﷺ yagamba nti: omubaka ﷺ yagamba nti:

“Abantu ba miteeko esatu (3), esswala zabwe tezisukka mitwe gyabwe (amakulu nti: tezikkirizibwa); (1) omuddu adduse ku bakamaabe, (2) n’omukyala ey’ebaka nga bbaawe amulinako obusuungu, (3) n’omukulembeze akuleembera abantu naye nga bamutamwa (tebamwagala).

عن جابر بن عبد الله رضي الله عنهما قال: قال رسول الله - ﷺ - : "ثلاثة لا تُقبَلُ لهم صلاةٌ، ولا تصعدُ لهم إلى السماءِ حسنةٌ: العبدُ الآبقُ حتى يرجعَ إلى موالِيهِ فيضعَ يده في أيديهم، والمرأةُ الساخِطُ عليها زوجها حتى يرضى، والسكرانُ حتى يضحُو". أخرجه البيهقي في "الكبرى": 1830، وكذا في "شعب الإيمان": 8353، وضعفه الألباني في "الترغيب": 1218، قال الذهبي كما في "المهذب" " هذا من مناكير زهير (وهو ابن عُجْد، وقد تفرد به).

Hadiith eva ku Jaabir bun Abdillah ﷺ yagamba nti: omubaka ﷺ yagamba nti:

“Abantu ba miteeko esatu (3), esswala zabwe tezikkirizibwa, era teri mulimo gwabwe gwonna mulungi gwambuka mu ggulu: (1) omuddu atolose ku bakamaabe, ppaka lwaddayo eri bakamaabe nateeka omukono gwe mu mikono gyabwe, (2) n’omukyala nga bbaawe

munyiivu gyali, ppaka obusuungu bw'amulinako lwebunamuggwako, (3) n'omutamiiivu ppaka lwadda engulu".

Buli mukyala yenna omulongoofu ategedde hadiith zino, teyandikiriza kusaala swala yonna, wadde okukola omulimo gwonna omulungi, wadde okwebaka, nga bbaawe amunyigidde, oba nga munyiivu.

عَنْ عَبْدِ اللَّهِ بْنِ عَبَّاسٍ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «أَلَا أُخْبِرُكُمْ بِبِنْسَائِكُمْ مِنْ أَهْلِ الْجَنَّةِ الْوُدُودُ، الْوُلُودُ، الْعُوُودُ عَلَى زَوْجِهَا، الَّتِي إِذَا آدَتْ أَوْ أُوْذِيَتْ، جَاءَتْ حَتَّى تَأْخُذَ بِيَدِ زَوْجِهَا، ثُمَّ تَقُولُ وَاللَّهِ لَا أَدُوقُ عُصْصًا حَتَّى تَرْضَى» أخرجه النسائي في سننه الكبرى: 9094، والبيهقي في "شعب الإيمان": 8358، وحسنه الألباني كما في "الصحيحة": 287، وصحيح الجامع: 2604.

Hadiith eva ku Abdullah bun Abbaas ﷺ yagamba nti: omubaka ﷺ yagamba nti: **“Abange! Mbabuulire ku bakyala bammwe ab’omujjana? Omukazi yenna alina omukwano omuyitirivu eri bbaawe, era nga muzaaze (nga azaala), oyo nga singa abeera anyizizza bbaawe, oba nga bbaawe amunyizizza (nga omusajja y’anyizizza omukazi), ajja eri bbaawe , n’amukwata omukono oba mungalo, n’amugamba nti: “sigeenda kukoomba ku tulo, ppaka nga obusuungu bukuweddeko”.**

BINO BIKULU:

- (1) Omukyala okubeera n’omukwano omungi eri bbaawe, abeera ali ku ibaadah; era ekyo akifunamu empeera ennene mu maaso ga Allah ow’ekitiibwa.
- (2) Omukyala okukakasa nti bbaawe musanyufu, nakyo akifunamu empeera eri Allah ow’ekitiibwa.
- (3) Omukyala omulongoofu, awa nnyo bbaawe ekitiibwa, okusiinga bw’akiwa abantu abasigadde bonna munsu, ate era akuuma ekitiibwa kya bbaawe mu bantu bonna.

9. OMUKYALA OMULONGOOFU, ASAANIDDE YEEWALE
OKULOOPA BBAWE EKISUSSE

عَنْ أُمِّ سَلَمَةَ، قَالَتْ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِنِّي أَبْغَضُ الْمَرْأَةَ تَخْرُجُ مِنْ بَيْتِهَا بَجُرٍّ دَيْلِهَا تَشْكُو زَوْجَهَا» أخرجه الطبراني في معجم الكبير: 739، والبيهقي في شعب الإيمان: 8360، من طريق منصور بن أبي الأسود، عن الأعمش، عن مسلم بن صبيح، عن من، عن زيد بن ثابت، وضعفه الألباني في "ضعيف الجامع": 2094

Hadiith eva ku Umm Salamah ﷺ yagamba nti: omubaka ﷺ yagamba nti:

“Nyigira omukyala afuluma mu nyumba ye, nga akweyesa engoye ze, nga agenda kuwaabira bbaawe!”.

Kyannaku nnyo, okusaanga omukyala omusiraamu era omukkiriza, nga agenda ku police kuwaabira bbaawe, nga oluusi amulinamu n’abaana!!!

10. OMUKYALA BW’AMANYA NTI BBAWE MUKITUNDU
MWALI, ERA N’AMANYA NTI ESSAWA YONNA AYIINZA
OKUMWETAAGA, TAKKIRIZIBWA KUSIIBA LUSIIBA
LWONNA LWA SUNNAH OKUJJAKO NGA ASOOSE KUFUNA
LUKUSA KUVA MU BBA

عَنْ أَبِي هُرَيْرَةَ، عَنِ النَّبِيِّ صَلَّى اللَّهُ عَلَيْهِ وَسَلَّمَ: «لَا تَصُومُ الْمَرْأَةُ وَبَعْلُهَا شَاهِدٌ إِلَّا بِإِذْنِهِ» رواه البخاري: 5192

Hadiith eva ku Abu Hurairah ﷺ yagamba nti: omubaka ﷺ yagamba nti:

“Omukazi tasiibanga nga bbaawe waali, okujjako nga amukkirizza”.

عَنْ أَبِي سَعِيدٍ قَالَ: جَاءَتْ امْرَأَةٌ إِلَى النَّبِيِّ صَلَّى اللَّهُ عَلَيْهِ وَسَلَّمَ، وَنَحْنُ عِنْدَهُ، فَقَالَتْ: يَا رَسُولَ اللَّهِ، إِنَّ زَوْجِي صَفْوَانُ بْنُ الْمَعْطَلِ، يَضْرِبُنِي إِذَا صَلَّيْتُ، وَيُفْطِرُنِي إِذَا صُمْتُ، وَلَا يُصَلِّي صَلَاةَ الْفَجْرِ حَتَّى تَطْلُعَ الشَّمْسُ، قَالَ وَصَفْوَانُ عِنْدَهُ، قَالَ: فَسَأَلَهُ عَمَّا قَالَتْ، فَقَالَ: يَا رَسُولَ اللَّهِ، أَمَا قَوْلُهَا يَضْرِبُنِي إِذَا صَلَّيْتُ، فَإِنَّهَا تَقْرَأُ بِسُورَتَيْنِ وَقَدْ نَهَيْتُهَا، قَالَ: فَقَالَ: «لَوْ كَانَتْ سُورَةٌ وَاحِدَةً لَكَفَتِ النَّاسُ»، وَأَمَا قَوْلُهَا: يُفْطِرُنِي، فَإِنَّهَا تَنْطَلِقُ فَتَصُومُ، وَأَنَا رَجُلٌ شَابٌّ، فَلَا أَصْبِرُ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «لَا تَصُومُ امْرَأَةٌ إِلَّا بِإِذْنِ زَوْجِهَا»، وَأَمَا قَوْلُهَا: إِنِّي لَا أَصَلِّي حَتَّى تَطْلُعَ الشَّمْسُ، فَإِنَّا أَهْلُ بَيْتٍ قَدْ عُرِفَ لَنَا ذَاكَ، لَا

نَكَادُ نَسْتَيْقِظُ حَتَّى تَطْلُعَ الشَّمْسُ، قَالَ: «فَإِذَا اسْتَيْقِظْتَ فَصَلِّ» رواه أبو داود: 2459، وأحمد في المسند: 11759، وصححه الالباني في صحيح أبي داود: 2459.

Hadiith eva ku Abu Sa'eed رضي الله عنه yagamba nti: omukyala yajja eri omubaka ﷻ nga tuli naye. Omukyala nagamba nti: owange ggwe omubaka wa Allah! mazima bba wange Swafwaan bun Mu'attwal ankuba buli lw'ensaala, ate nansiibulula buli lw'ensiiba, ate subhi agyisaala enjuba emaze kuvaayo. Ebyo yabyogera nga Swafwaan wali, era nga awulira. Omubaka ﷻ kwekubuuza Swafwaan kw'ebyo omukazi byayogedde. Swafwaan kwekuddamu nti: owange ggwe omubaka wa Allah! ekigambo omukyala kyayogedde nti: mukuba buli lw'asaala, kiva kukuba nti bwaba asaala asoma essuula bbiri, kyokka nga ate nakimugaana. Omubaka kwekugamba nti: **“singa yali surah emu (mu Quran) yandimalidde abantu”**. Swafwaan yagamba nti: ate ekigambo omukazi kyayogedde nti: musiibulula, kiva kukuba nti asiiba, kyokka nga ate nze ndi muvubuka, obugumiikiriza nina butono. Omubaka kwekugamba nti: **“Omukyala tasiiba okujjako nga afunye olukusa okuwa mu bba”**. Swafwaan yagamba nti: ate ekigambo omukazi kyagambye nti: subuhi ngyisaala enjuba emaze kuvaayo; mazima abantu b'enyumba yaffe ekyo kimanyiddwa kubbo. Kabula kate obutazuukuka ppaka nga enjuba evuddeyo (amakulu nti balina otulo tungi). Omubaka kwekumugamba nti: **“Bw'obeeranga ozuukuse, saala”**.

11. OMUKYALA TAKKIRIZIBWA KUYIINGIZA MUNTU YENNA MU NYUMBA YA BBAAWE, OKUJJAKO NGA AMUKKIRIZA

عَنْ أَبِي هُرَيْرَةَ رَضِيَ اللَّهُ عَنْهُ: أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: "لَا يَحِلُّ لِلْمَرْأَةِ أَنْ تَصُومَ وَرَزُوجَهَا شَاهِدٌ إِلَّا بِإِذْنِهِ، وَلَا تَأْتِيَ فِي بَيْتِهِ إِلَّا بِإِذْنِهِ..." رواه البخاري: 5195، ومسلم: 1418

Hadiith eva ku Abu Hurairah رضي الله عنه yagamba nti: omubaka ﷻ yagamba nti: **“Kiri haraam eri omukyala okusiiba (olusiiba olwa sunnah) nga bbaawe**

waali (mu kituundu), okujjako nga amuwadde olukusa. Era omukazi takkirizanga omuntu yenna okuyiingira mu nyumba ya bbaawe okujjako nga amukkiriza (oba nga yamukkiriza dda)”.

BINO KIKULU:

1. Singa omusajja aba takkirizanga mukyala we kuyiingiza bantu mu nyumba ye, omukazi atekwa okusaba bbaawe olukusa, ku buli muntu yenna ayagala okuyiingira mu nyumba.
2. Singa omusajja aba yakkiriza mukyala we okuyiingiza abantu abamu mu nyumba ye, ate nabaako n’abalala bamugaana (oba b’atayogerako bweyali akkiriza), omukyala aba akkirizibwa okuyiingiza abo bokka bbaawe beyamukkiriza okuyiingiza munju, kyokka bano beyamugaana, takkirizibwa kubayiingiza, ate bano abataayogerwako, omukazi aba alina kusooka kusaba bbaawe lukusa okubayiingiza mu nyumba.
3. Singa omusajja abaako n’obukwakkulizo bw’ateerawo mukyala we kw’abo bakkiriza okuyiingira mu nyumba, omukyala aba atekwa okugoberera obukwakkulizo obwo.

12. OMUKYALA TAKKIRIZIBWA KUFULUMA MU MAKAGA BBAWE OKUJJAKO NGA AMUKKIRIZA

عَنْ سَالِمِ بْنِ عَبْدِ اللَّهِ، عَنْ أَبِيهِ، عَنِ النَّبِيِّ صَلَّى اللَّهُ عَلَيْهِ وَسَلَّمَ «إِذَا اسْتَأْذَنْتِ امْرَأَةً أَحَدِكُمْ فَلَا يَمْنَعُهَا» رواه البخاري: 865، 873، 900، ومسلم: 442.

Hadiith eva ku Saalim bun Abdillah, nga naye ajijja ku kitaawe, nga naye ajijja ku nabbi ﷺ yagamba nti: “Mukyala w’omu mummwe bwamusaba nga olukusa (okugenda ku muzikiti okusaala), tamugaananga”.

Hadiith eyo ekiraga bulungi nnyo nti; omukyala bwaba ayagala okufuluma mu maka ga bbaawe, atekeddwa kusooka kusaba bbaawe lukusa.

BINO BIKULU:

1. Omusajja bwaba yakkiriza mukyala we okufuluma nga agenda mu bifo ebimu nga tamusabye, omukyala oyo akkirizibwa okufuluma nga tasabye, kasita aba nga agenda mu bifo ebyo byebamukkiriza okugendamu nga tasabye. Kyokka ate bwaba ayagala kugenda mu bifo byatafunangako lukusa kuva mu bba, ateeddwa kusooka kusaba bbaawe.
2. Ssi kirungi omusajja okuwa mukyala we olukusa olubuna kukugenda wonna wabeera ayagadde nga tasabye, olw'ensoonga nti enteekateeka ya Allah n'omubaka we ﷺ y'esiinga obulungi.
3. Omusajja takkirizibwa kugaana mukyala we kugenda ku muzikiti singa abeera amusabye.
4. Omukyala yenna gwekataanda n'anoba (enkola y'okunoba ssi yabusiraamu nakamu), oba n'afuluma mu nyumba ya bbaawe nga tamukkirizza, oyo abeera kyewaggula, era malayika za Allah zimukolimira ppaka lwaddayo ewa bbaawe.

عن ابن عباسٍ رضي الله عنهما: أن رسول الله ﷺ قال لامرأة من خثعم: " ولا تُخْرِجِ مِنْ بَيْتِهَا إِلَّا بِإِذْنِهِ، فَإِنْ فَعَلَتْ لَعَنَتْهَا مَلَائِكَةُ السَّمَاءِ وَمَلَائِكَةُ الرَّحْمَةِ وَمَلَائِكَةُ الْعَذَابِ حَتَّى تَرْجِعَ". ضعفه الألباني في "الترغيب": 1217

Hadiith eva ku Ibin Abbaas رضي الله عنهما yagamba nti: omubaka ﷺ yagamba omukyala mu ba Khath'am nti: **“(mu bivunaanwa by'omwami eri mukayala we) kwekuba nti omukazi takkirizibwa kufulumu kuva mu nyumba ya bbaawe, okujjako nga bbaawe amukkirizza. Singa kamutaanda nakikola (amakulu nafulumu mu nyumba ya bbaawe nga tamukkirizza), malayika z'omuggulu, ne malayika z'okusaasira, ne malayika z'ebibonerezo zimukolimira ppaka lwaddayo mu maka ga bbaawe”.**

Bannyinaze abalungi! Omukyala omusiraamu, omukkiriza, eyakkiriza Allah, n'omubaka we ﷺ, n'olunaku lw'enkomerero, **TANOBA**. Enkola ey'okunoba ssi nkola yabakkiriza, abasiraamu; wabula nkola eyakoppebwa obukoppebwa kubatali basiraamu. Kale mugyewale nnyo, era mugyewazise bannammwe.

13. OMUKYALA BW'ASADDAAKIRA BBAWE NGA MWETAAVU OBA NGA MWAVU, AFUNA EMPEERA ZA MIRUNDI EBIRI

عَنْ زَيْنَبِ امْرَأَةِ عَبْدِ اللَّهِ، قَالَتْ: سَأَلْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ: أَيُّجَزِي عَنِّي مِنَ الصَّدَقَةِ النَّفَقَةُ عَلَيَّ زَوْجِي، وَأَيْتَامٍ فِي حِجْرِي؟ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: " لَهَا أَجْرَانِ: أَجْرُ الصَّدَقَةِ، وَأَجْرُ الْقَرَابَةِ " رواه ابن ماجه: 1834، وصححه الألباني كما في صحيح ابن ماجه.

Hadiith eva ku Zainab mukyala wa Ibin Mas'uud ﷺ, yagamba nti: nabuuzza omubaka ﷺ nti: ngasibwa mu saddaaka gyempadde omwami wange, ne bamulekwa b'omunju yange? Omubaka kwekumuddamu nti: ogyifunamu empeera za miruundi ebiri: empeera y'okusaddaaka, n'empeera y'okuyuunga ku mwami wo”.

عَنْ أَبِي سَعِيدٍ الْخُدْرِيِّ قَالَ: أَنَّ امْرَأَةَ ابْنِ مَسْعُودٍ قَالَتْ: يَا نَبِيَّ اللَّهِ، إِنَّكَ أَمَرْتَ الْيَوْمَ بِالصَّدَقَةِ، وَكَانَ عِنْدِي حُلِيٌّ لِي، فَأَرَدْتُ أَنْ أَتَصَدَّقَ بِهِ، فَرَعِمَ ابْنُ مَسْعُودٍ: أَنَّهُ وَوَلَدَهُ أَحَقُّ مَنْ تَصَدَّقْتُ بِهِ عَلَيْهِمْ، فَقَالَ النَّبِيُّ صَلَّى اللَّهُ عَلَيْهِ وَسَلَّمَ: «صَدَقَ ابْنُ مَسْعُودٍ، زَوْجُكَ وَوَلَدُكَ أَحَقُّ مَنْ تَصَدَّقْتُ بِهِ عَلَيْهِمْ» رواه البخاري: 1462.

Hadiith ya Abu Sa'eed ﷺ yagamba nti: mazima mukyala wa Ibn Mas'ud ﷺ yagamba nti: owange ggwe nabbi wa Allah! mazima ggwe olunaku olw'aleero olagidde okusaddaaka, era mbadde ne by'okwewuunda byange nga njagala kubisaddaaka, kyokka Ibin Mas'uud nagamba nti yye n'abaana be bennngwanidde okusaddaakira. Omubaka ﷺ kwe kumugamba nti: **“Ibin Mas'uud ayogedde mazima. Omwami wo, n'abaana bo b'ogwanidde okusaddaakira”**.

**14. OMUKYALA TAKKIRIZIBWA KUGAANA BBAawe
KWEGATTA NAYE, OKUJJAKO NGA AMUWADDE ENSOONGA
EY’ESSIIMBA**

عَنْ أَبِي هُرَيْرَةَ رَضِيَ اللَّهُ عَنْهُ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِذَا دَعَا الرَّجُلُ امْرَأَتَهُ إِلَى فِرَاشِهِ فَأَبَتْ فَبَاتَ غَضَبَانَ عَلَيْهَا لَعْنَتُهَا الْمَلَائِكَةُ حَتَّى تُصْبِحَ» رواه البخاري: 3237، ومسلم: 1436

Hadith eva ku Abu Hurairah ﷺ yagamba nti: omubaka ﷺ yagamba nti:

“Omusajja bwayitaanga mukyalawe mubuliri, omukyala nagaana, era n’eyebaka nga bbaawe munyiivu gyali, malayika zimukolimira ppaka lw’ebukya”.

عَنْ أَبِي هُرَيْرَةَ، عَنِ النَّبِيِّ صَلَّى اللَّهُ عَلَيْهِ وَسَلَّمَ، قَالَ: «إِذَا بَاتَتِ الْمَرْأَةُ، هَاجِرَةً فِرَاشَ زَوْجِهَا، لَعْنَتُهَا الْمَلَائِكَةُ حَتَّى تُصْبِحَ» رواه البخاري: 5194، ومسلم: 1436

Hadiith eva ku Abu Hurairah ﷺ yagamba nti: omubaka ﷺ yagamba nti:

“Omukyala bwekamutaanda n’asula nga asenguse bbaawe mu buliri (muyingiramu okukuba omusajja omugoongo, n’okusula mu buliri obulala, nga omusajja omulesse mubulala), **malayika zimukolimira ppaka lw’ebukya”.** Munjatula ya Bukhari: **“Ppaka lwaddayo eri bbaawe”.**

**15. OMUKYALA OMULONGOOFU, ERA OMUGOONVU ERI
BBAawe, AFUULA BBAawe KABAKA, ERA AMAKA GA
BBAawe AGAFUULA OLUBIRI.**

عَنْ عَبْدِ الرَّحْمَنِ بْنِ أَبِيزَى، قَالَ: «مَثَلُ الْمَرْأَةِ الصَّالِحَةِ عِنْدَ الرَّجُلِ كَمَثَلِ النَّجْرِ الْمُتَحَوِّصِ بِالذَّهَبِ عَلَى رَأْسِ الْمَلِكِ، وَمَثَلُ الْمَرْأَةِ السُّوءِ عِنْدَ الرَّجُلِ الصَّالِحِ مَثَلُ الْحِمْلِ الثَّقِيلِ عَلَى الشَّيْخِ الْكَبِيرِ» رواه ابن أبي شيبة بإسناد حسن: 17143

Hadiith eva ku Abdurahman bun Ab-zaa ﷺ yagamba nti: **“Omukyala omulongoofu era omugoonvu eri bbawe, nga ali wansi w’omusajja (omulongoofu), afaanagana nga engule (crown) eyawuundibwa ne**

zaabu, nga eri ku mutwe gwa kabaka. Ate omukyala omwonoonefu, era omugyemu eri bbaawe, nga ali wansi w'omusajja omulongoofu, afaanagana nga omugugu oguzitowa okukamala, nga guli ku mutwe gw'omusajja omukadde”.

Bannyinaze abalungi! Mbakutuutira okutya Allah ow'ekitiibwa, okugoberera omubaka ﷺ, n'okulongoosa eri abaami bammwe. Omukyala yenna anakuwaza bbaawe n'atafaayo, era omulyazamanya eri bbaawe; azikiridde, azikiridde, azikiridde, era wakulaba nnaku mu maaso ga Allah ow'ekitiibwa.

Buli mukyala yenna omufuumbo agezeeko okwetegereza bwayimiridde eri bbaawe mukumugoondera, mukumwagala, mukumwesiga, mukumwekumira, mukumuwa ekitiibwa, mukutuukiriza obuvunanyizibwa bwe eri omwami we; kubanga oyo omwami wo, ye jjana yo, era gwe muliro gwo.

عَنِ الْخُصَيْنِ بْنِ مُحَمَّدٍ، أَنَّ عَمَّةً لَهُ أَتَتْ النَّبِيَّ صَلَّى اللَّهُ عَلَيْهِ وَسَلَّمَ فِي حَاجَةٍ، فَفَرَعَتْ مِنْ حَاجَتِهَا، فَقَالَ لَهَا النَّبِيُّ صَلَّى اللَّهُ عَلَيْهِ وَسَلَّمَ: " أَذَاتُ زَوْجٍ أَنْتِ؟ " قَالَتْ: نَعَمْ، قَالَ: " كَيْفَ أَنْتِ لَهُ؟ " قَالَتْ: مَا أَلُوهُ إِلَّا مَا عَجَزْتُ عَنْهُ، قَالَ: " فَاظْطَرِّي أَيْنَ أَنْتِ مِنْهُ، فَإِنَّمَا هُوَ جَنَّتُكَ وَتَارُكَ ". رواه أحمد في المسند: 27352، وصححه الألباني في الصحيحة: 2612

Hadiith eva ku Imran bun Huswain ﷺ yagamba nti: mazima senga we yajja ew'omubaka ﷺ nga alina obwetaavu obumuleese. Bweyamaliriza obwetaavu bwe, omubaka ﷺ yamubuuza nti: **“Olina omwami?”** senga namuddamu nti: yye. Omubaka ﷺ namubuuza nti: **“Oly’otya gyali?”** namuddamu nti: sikendeezangako kutuukiriza buvunanyizibwa bwange gyali, okujjako wemba nemereddwa. Omubaka ﷺ kwekumugamba nti: **“Wetegerezenga nnyo butya bw’oyimiridde gyali, mazima yye ye jjana yo, era gw’emuliro gwo”**.

قال تعالى: ((وَالْعَصْرِ (1) إِنَّ الْإِنْسَانَ لَفِي خُسْرٍ (2) إِلَّا الَّذِينَ آمَنُوا وَعَمِلُوا الصَّالِحَاتِ وَتَوَاصَوْا بِالْحَقِّ وَتَوَاصَوْا بِالصَّبْرِ (3)))